

Paerewa Paetae

Aronga	Te Reo Rangatira 1.1		
Ingoa	Te whakapuaki whakaaro hei kōrero whakamōhio		
Kaupae	1	Whiwhinga	3
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Te Reo Rangatira		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2016	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Waha, Āheinga Reo

2 *Ka whakapuaki whakaaro mō ngā kaupapa, mō ngā ariā matua hoki o aua kaupapa, kia pai ai te whakatakoto tohetohenga, taunakitanga rānei hei whakaū i te whakaaro.*

ā-Waha, Puna Reo

3 *Ka whānui tonu ngā kupu me ngā momo rerenga e tika ana mō ētahi momo kōrero, pēnei i te matapaki, i te tuku pūrongo, i te taupatupatu, arā atu, arā atu.*

ā-Tinana, Āheinga Reo

3 *Ka hāngai te reo ā-waha me te reo ā-tinana ki te kaupapa.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakapuaki whakaaro hei kōrero whakamōhio.</p>	<p>Hei tohu i te paetae:</p> <ul style="list-style-type: none"> • Ka mārama te aronga. • Ka hāngai, ka whaihua te kōrero kia aro mai te hunga whakarongo. • Ka whakaraupapa i ngā whakaaro kia tatū ai te kaupapa. • Ka hāngai ngā nuka reo me te reo ā-tinana ki te whakapuakitanga.
<p>Kaiaka He kaiaka te whakapuaki whakaaro hei kōrero whakamōhio.</p>	<p>Hei tohu i te kaiaka:</p> <ul style="list-style-type: none"> • Ka ū te aronga. • Ka āta whakaraupapa, ka taunaki i ngā whakaaro kia rata atu te hunga whakarongo ki te aronga o te ākongā. • Ka hāpai ngā nuka reo me te reo ā-tinana i te kaupapa.
<p>Kairangi He kairangi te whakapuaki whakaaro hei kōrero whakamōhio.</p>	<p>Hei tohu i te kairangi:</p> <ul style="list-style-type: none"> • Ka whakamahi huarahi kē atu kia kitea te aronga motuhake, arā: <ul style="list-style-type: none"> – te tohe i te kaupapa – te raupapa me te taunaki o ngā whakaaro – te āta whakamahi i ngā nuka reo me te reo ā-tinana hei whakatairanga i ngā whakaaro.

Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

nuka reo	He tikanga motuhake hei kawē whakaaro, hei kawē kōrero. Ko ētahi o ngā nuka reo i tēnei paerewa ko te pepeha, ko te kīwaha, ko te whakataukī, ko te whakatauākī, ko te kupu whakarite, ko te whakatangata.
reo ā-tinana	Ko ngā nekenekēhanga, ko ngā mahi ā-ringa, ko te āhua o te kanohi, ko te whakatautau, ko te ihiihi o te kōrero.

2 He whānui ngā momo kōrero whakamōhio ka taea: he matapaki, he reo pāoho, he kauhau, he taukumekume, he uiui, he aha atu, he aha atu.

Kuputaka:

kōrero whakamōhio

informative talk

nuka reo

literary device

whakatautau

dramatic gesturing

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233